

Akharipe

te len than ande 13-to khidipe an Europutne Konsilosko Dijalogo e Romane vi Phirutnengere civilno societasar vash "Hakajengo arakhipe vash e Romane thaj Phirutnengere chavore"

O 13-to Europutne Konsilosko Dijalogo e Romane thaj Phirutnengere civilno societasar ka ikerel pes ano **10-11 maj 2022 an hibridno formati /online via KUDO konferencijako sistemo.**

I participacija si subjekto teli e akanutne dromaribaskere, publikane sastipaskere thaj sanitarno restrikcije so si validne ande Francija thaj/vaj an javera thema dzikote dzala o 13-to Dijalogo.

O khidipe ka kerel akumuliribe pe akanutni realizacija e Romane vi Phirutnengere chavorengere hakaja ande thema membrura ande Europako Konsilo thaj ande Romane vi Phirutnengere komunitetura. E participantura si akhardine vi te diskutuin o impakto so kerdas i COVID-19 kriza an kodo konteksto thaj te prezenturin egzemplura/misala lache praktikendar kerdine katar e thema membrura thaj e civilno societakere organizacije.

O khidipe ka:

- Anel khetane e reprezentanton katar e buteder Romane thaj Phirutnengere civilno societakere organizacije thaj buteder servisura katar e Europutne Konsilokere Sekretarijatosar vi katar e membrongere themutne autoritetondar save keren buchi pe promoviribe thaj protektiribe pe Romane thaj Phirutnengere chavorikane hakaja
- Buhljarel kooperacija mashkar kadala organizacije thaj e Europutne Konsilokoro Sekretarijato te promovirinen pes aktivipena pe themutne membrongo nivelo te shaj te arakhen pes thaj buhljaren pes e Romane thaj Phirutnengere chavorikane hakaja thaj te promovirinen e chavorengo participiribe ande decizijengo anibe
- Te dikhen pes e akhanutne phageripa e chavorikane hakajengo ande thema membrura thaj sar von kerdine reaksija pe kadala phageripena
- Te del pes jekh dikhipe vash e nevi Europutne Konsiloskiri Strategija vash e Chavorikane Hakaja (2022-2027) vash e relevantno legalno instrumentura, politike thaj praktike te azhutil pes sasto realiziribe pe hakaja vash e Romane thaj Phirutnengere chavore pe Europutno thaj nacionalno nivelo
- Identifikacija pe buteder autoritetura saven isi specifikani rola thaj responsibiliteta vash e protektiribe e Romane thaj Phirutnengere chavorengere hakaja thaj diskusija, sar vi vash e shajutne hiva ande nacionalno legislacija, politika thaj praktika pashe phangle e chavorikane hakajencar
- Ulaven pes egzemplura lache praktikendar thaj inicijativendar vash e chavorikane hakaja implementirime kotar e themengere gavernura, komune thaj civilno societakere organizacije.

Adzikerdine efektura:

- Te vazden pes e dzanlipena vash e situacija thaj realizacija pe Romane thaj Phirutnengere chavorikane hakaja

- Te vazdel pes haljovibe vas i rola so isi e Romane thaj Phurutnengere civilno sociatakere organizacijen thaj e instrumentura so isi olen te shaj keren aktivno kontribucija pe buti vash chavorikane hakaja
- Te vazdel pes sama vash e Europutne Konsiloskere instrumentura, thaj aktivipa save so azhutinena vash sasti realizacija pe chavorikane hakaja, sar vi aktivipa kana sikavlela pes e hakajengoro phageripe.

Kriteriumija vash selekcija pe Dijalogoskere participantura:

- Eksperienca thaj dzanlipe vash e panch prioritetura kotar e angluni Europutne Konsileski [Strategija vash Chavorikne Hakaja \(2016-2021\)](#), save si:
 - 1) jekh shajipena vash sa e chavore
 - 2) chavorengiri participacija
 - 3) dzivdipe bizi violence vash sa e chavore
 - 4) amalikani justicija vash sa e chavora
 - 5) chavorengere hakaja ande digitalno trujalipa;
- Gepgrafikani reprezentacija e participantengi pe nacionalno thaj regionalno nivelo thaj trujal Europutne Konsiloske thema membrura;
- Bershikano thaj gender balanso;
- Akanutni vaj majpaluni kontribucija vaj projektoskoro implementiribe ande chavorikane hakajengoro umal;
- Kontribucije ano buhljaripe e standardengo vash e chavorikane hakaja thaj monitoriribe upral olengo realiziribe;
- Dzanlipe te vorbin thaj hramon pe majcera jekh oficijalno chiba ande Europako Konsilo (Anglikani thaj Frensikani) vaj pe Romani chib;
- Personalno motivacija.

O akharipe si phutardo vash e **reprezentantura kotar e Romane thaj Phirutnengere civilno sociatakere** organizacije.

E kandidaton saven so isi intereso vash kodo khidipe trubj te kompletirinen e online Aplikacijaki Forma **dzi ko 8 aprilo, dopashrachi, Centralno Europaki Vrama (CET)**.

E bikompletirime aplikacije vaj aplikacije save ka resen pali o agorutno dive naj te len pes teli sama.

- [Aplikacijaki forma pe Anglikani](#)
- [Aplikacijaki forma pe Frensikani](#)
- [Aplikacijaki forma pe Romani chib](#)

Numa e akceptirime aplikantura ka oven informirime.

Informacija ka ovel bichaldini ano paluno kurko kotar o masek aprilo 2022.